

## ODLUKA O IZBORU NAJPOVOLJNIJEG PONUĐAČA

### KONKURENTSKI ZAHTJEV ZA DOSTAVU PONUDA

**Broj: 09-14-6-5798-15/16**

**Datum: 30.11.2016. godine**

Temeljem člana 64. stav (1) tačka b., člana 70. st. (1), (3). i (6) Zakona o javnim nabavkama („Službeni glasnik BiH“, broj 39/14) i člana 5. stav (2) Pravilnika o uspostavljanju i radu Komisije za javne nabavke, na Preporuku Stalne komisije za pripremu, pokretanje i provođenje odobrenih postupaka javne nabavke roba, vršenje usluga i izvođenja radova za 2016. godinu za Federalno ministarstvo financija – finansija broj: 09-14-6-5798-13/16 od 30.11.2016. godine, u postupku javne nabavke – Nabavka i ugradnja agregata za server salu, Federalna ministrica financija – finansija donosi

### ODLUKU o izboru najpovoljnijeg ponuđača

#### **Član 1.**

**Prihvata se Preporuka Stalne komisije za javne nabavke**, broj: 09-14-6-5798-13/16 od 30.11.2016. godine i ugovor za javnu nabavku - **Nabavka i ugradnja agregata za server salu** dodjeljuje se ponuđaču „**Albat**“ d.o.o. **Sarajevo**, ponuda broj: 1778-PSC-544-AA-16-IZ od 28.11.2016. godine, za ponuđenu cijenu od **21.996,30 KM, bez PDV-a**, kao najbolje ocijenjenom ponuđaču.

#### **Član 2.**

Prijedlog ugovora o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

#### **Član 3.**

Za izvršenje ove odluke zadužuje se i ovlašćuje Sektor za ekonomsko – finansijske i zajedničke poslove Federalnog ministarstva financija – finansija.

#### **Član 4.**

Ova odluka objavit će se na web-stranici [www.fmf.gov.ba](http://www.fmf.gov.ba), istovremeno s upućivanjem ponuđačima koji su učestvovali u postupku javne nabavke, sukladno članu 70. stav (6) Zakona o javnim nabavkama.

**Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, sukladno članu 71. stav (2) Zakona o javnim nabavkama.



**MINISTRICA**  
**Jelka Miličević**

A handwritten signature in blue ink, appearing to be "Jelka Miličević", written over a horizontal line.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 09-14-6-5798/16 od 05.09.2016. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 30.000,00 KM. Obavijest o nabavci broj: 810-7-1-82-3-23/16 objavljena je na Portalu javnih nabavki dana 04.11.2016. godine.

Poziv za preuzimanje tenderske dokumentacije u sistemu „E-nabavke“ i dostavu ponude je prosljeđen sljedećim ponuđačima (istovremeno sa slanjem obavijesti na Portal javnih nabavki i objavom tenderske dokumentacije na Portalu javnih nabavki):

- Ponuđaču: „**MIBO KOMUNIKACIJE**“ d.d. Sarajevo
- Ponuđaču: „**ENERGOINVEST SUE**“ d.d. Sarajevo
- Ponuđaču: „**MIDDLE POINT ELECTRONICS**“ d.o.o. Sarajevo

Stalna komisija za javnu nabavku imenovana je Rješenjem broj: 03-05-1-1915/16 od 18.03.2016. godine.

Komisija za javnu nabavku dostavila je dana 30.11.2016. godine izvještaj o radu broj: 09-14-6-5798-14/16 od 30.11.2016. godine, Zapisnik o ocjeni ponuda i Preporuku o izboru najpovoljnijeg ponuđača broj: 09-14-6-5798-13/16 od 30.11.2016. godine, u postupku javne nabavke – Nabavka i ugradnja agregata za server salu.

U postupku po izvješću o radu je utvrđeno je da je Stalna komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri).
- da je blagovremeno zaprimljeno 3 (tri) ponude.
- da je neblagovremeno zaprimljeno 0 (nula) ponuda.
- da je ponuda ponuđača „Middle point electronics“ d.o.o. Sarajevo odbijena/neprihvatljiva iz razloga:

1. Ponuđač je dostavio spisak izvršenih ugovora (refernc lista) u prethodne tri godine, ali bez dostavljanja potvrde o njihovoj realizaciji koju daje druga ugovorna strana, kako je i traženo tačkom 2.2. d) tenderske dokumentacije, a sve u skladu s članom 49. tačka a) ZJN.

2. Ponuđač nije dostavio tražene navode o angažiranom tehničkom osoblju i tehničkim organima, za poslove postavljanja i instalacije robe koja se nabavlja, kako je traženo tačkom 2.2. f) tenderske dokumentacije, a sve u skladu s članom 49. tačka c) ZJN.

Sukladno članu 68. stav (4) tačka i.) ZJN (ponuda nije potpuna i ne ispunjava zahtjeve iz tenderske dokumentacije) i člana 9. Upustva za pripremu TD i ponuda za JN.

- da je zaprimljena ponuda pnuđača „Albat“ d.o.o. Sarajevo prihvatljiva iz razloga što je ponuđena cijena pristigle ponude niža od procjenjene vrijednosti

predmetne nabavke (procijenjena vrijednost 30.000,00 KM bez PDV-a).

U postupku donošenja ove odluke, posebno su cijenjene činjenice da je Stalna komisija za javnu nabavku, pravilno i potpuno, izvršila ocjenu kvalificiranosti ponuđača te ocjenu prispjelih ponuda, sukladno kriterijima iz Tenderske dokumentacije.

U postupku ocjene provedenog postupka, rukovoditelj ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Stalne komisije za javnu nabavku.

Naime, u postupku je ocijenjeno da je Stalna komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom u cijelosti se prihvata zapisnik o ocjeni ponuda.

U skladu s kriterijem najniža cijena za nabavku – Nabavka i ugradnja agregata za server salu dodjeljuje se ugovor ponuđaču „Albat“ d.o.o. Sarajevo u ukupnoj vrijednosti nabavke **21.996,30 KM** bez PDV-a.

Vrijednost Ugovora koji će se zaključiti po osnovu provedene nabavke iznosi **25.735,67 KM** s PDV-om.

#### **POUKA O PRAVNOM LIJEKU:**

Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo uložiti žalbu u pisanoj formi u roku od 5 (pet) dana od dana prijema ove odluke u skladu s članom 99. Zakona o javnim nabavkama.